

丁卯賑玉田縣饑

五月庚午朔刻風雹

辛未諭吏部尚書蹇義曰御史當任老成者遠授新進遇事風生以喜怒為威福正直不阿往被凌辱順比則與為膠漆自今慎選之又曰都御史惟廉清公正乃可倡率尚咨可都御史者

夜南京地震

壬申誅四川淑浦縣人誣告反者


夜大星二色青白見氏宿一色赤見軫宿

癸酉勅脩 太宗實錄監脩官太師英國公張輔少師蹇義保少夏原吉總裁官少傅楊士奇少保黃淮太子太傅楊榮太子少保金幼孜太常寺卿楊溥造嘉興延平慶都三公主使司印  
南京地震

甲戌夜大星青白光見天津

丙子山西按察副使王驥為順天府尹

丁丑故太醫院判官蔣用文袁寶贈太醫院使謚用文曰恭靖俱遣賜祭



夜大星色赤見于尾宿


戊寅貴池縣典史黃金蘭考績邑人詣闕乞留進知縣  
夜有大星色赤見牛宿

已卯行在翰林院侍讀李時勉侍講羅汝敬並言事 上怒  
使武士擊時勉皆改監察御史頃之下錦衣衛獄

設遷曰 仁宗素虛受何于時勉汝敬重怒至此也所言  
事史不明載必剴切不樂聞 帝能宥弋謙獨不可推廣  
其意耶時勉被笞折肋死而復蘇賈禍直言故諤少而  
容多也時大駕就宴曾不少宥將天之方曠遠其常度乎

庚辰 上不豫召蹇義楊士奇楊榮黃淮等至思善門命楊  
士奇書勅遣官海壽馳召皇太子

辛巳 上崩欽安殿年四十八遺詔曰朕嗣洪業甫及踰年  
上惟皇考山陵未遠迫切哀誠下惟黔黎彫瘵未復憂勞夙  
夜時用遘疾奄至大漸念皇太子孝友英明 先帝夙期其  
大器臣民咸欽其令望宜用即皇帝位朕既臨御日淺恩澤  
未浹于民不忍復有重營山陵制度務從儉約服制仍遵去  
年八月之令嗚呼南北供億之勞軍民俱困四方向仰咸屬  
南京斯因吾之素心君國子民宜從衆志凡文武群臣咸盡



忠秉節佐輔嗣君永寧我國家生民朕無憾矣是日尚未發喪沐浴襲奠飯含如禮設几筵宮中朝夕哭上食


王世懋曰書稱商高宗未即位其父祖乙命其勤勞于外者皆凜凜然于成祖下復為二三讒慝所厄備歷辛勤既即位遂為中興令主仁宗監國二十年上凜凜奉命于成祖下復為二三讒慝所厄殷憂啟聖及登極善政炳炳不可殫述皆從監國之勤勞所致質殷高宗殆所稱前聖後聖其揆一矣

李維楨曰二祖以馬上得天下帝所習見固不欲以

馬上治之也即位才一歲耳其治大要恭儉慈仁收天下心國家德澤深厚獨稱孝宗人不可以無年信夫


何喬遠曰帝監國有年明習政事在位雖淺膏澤已滲于民矣若其改過不吝痼疾在身漢文宋仁未足方也商高周成間與東莞陳建云

設遷曰仁宗在父弟大類漢惠帝而讒構尤甚惠帝所值趙王如意異母弟也而帝則同本相煎矣憂危二十年才一伸眉目遽賓于天非歷數之獨艱者乎南北供億軫恤民力欲返駕舊京寬我東南念最殷也其不改父之




臣與父之政豈誠不一思耶二百年來長拱之勢翳成  
祖是賴雖仁宗而在異日者中結其轍矣  
是月江西南昌大雨傷稼蠲其今年田租

國家圖書館, NATIONAL CENTRAL LIBRARY, TAIWAN R.O.C.





國家圖書館, NATIONAL CENTRAL LIBRARY, TAIWAN, R.O.C.



Inches 1 2 3 4 5 6 7 8  
Centimetres 1 2 3 4 5 6 7 8


**TIFFEN** Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





Inches 1 2 3 4 5 6 7 8 Centimetres


TIFFEN Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]







國家圖書館, NATIONAL CENTRAL LIBRARY, TAIWAN, R.O.C.









國家圖書館, NATIONAL CENTRAL LIBRARY, TAIWAN, R.O.C.










國家圖書館, NATIONAL CENTRAL LIBRARY, TAIWAN, R.O.C.



















(10)

3393396 v.13

國家圖書館, NATIONAL CENTRAL LIBRARY, TAIWAN, R.O.C.



Inches 1 2 3 4 5 6 7 8  
Centimetres 1 2 3 4 5 6 7 8

**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black



宣宗憲天崇道英明仁聖欽文昭武寬仁純孝章皇帝

御名瞻

仁宗嫡長子也生之夕 成祖夢 太祖授以大圭曰傳之

子孫永世其昌既數歲試之事剴決稱旨 成祖甚愛之年

十一從狩北京日侍訓誨嘗命從過田家問所疾苦作務本

訓授之讀目數行畫帙皆舉劉涉經史百家永樂九年立為

皇太孫三次從北征于馬上指示胡山川故自少曉兵略善

騎射 仁宗即位冊為皇太子其春以南京地屢次震命往

撫治 上旋不豫既大行宮中秘不發喪以遺命召 上時

南京稍聞宴駕或傳漢王將要劫群臣間請整兵旋或請出

間道 上曰君父在天下歸心豈有地虞遂傳詣京師

六月己亥朔皇太子至蘆溝太監楊瑛同太子少傳戶部尚書

夏原吉太子太保禮部尚書呂震奉遺詔至皇太子慟甚左

右掖聽 右掖聽


辛丑至良鄉行哭入宮門詣梓宮哭拜盡哀頒遺詔天下

壬寅初京師傳漢王舉兵犯闕諸大將勒兵待 上以煩暑

國權

洪熙元年

十六



悉撤去曰有天命在是何能為

癸卯臣民三勸進

丁未行在禮部定 上即位儀注

庚戌皇太子即 皇帝位大赦天下詔曰洪惟天眷國家茂

隆景運肇自 太祖高皇帝聖神文武提一旅之衆建萬世

之業 太宗文皇帝神功聖德載安宗社弘靖萬方 皇考

大行皇帝紹承大統奉天子民體 祖宗之至仁用輯寧于

庶類自臨寶位夙夜勤勞甫及踰年德澤覃霈不幸違豫奄

臻大漸顧命神器付予眇躬哀慟方殷固知攸措親王文武

群臣下至耆老軍民番夷朝使萬衆一誠累章勸進辭拒不

獲仰惟列聖創守之難俯徇輿情已于六月之二十日祇告

天地宗廟社稷即皇帝位為政所重以德及人其改明年為

宣德元年大赦天下咸與維新所有合行事宜條示于後云


嗚呼 三聖在天制治保邦大經大法明昭日月垂憲萬年

惟篤欽承必誠必信尚賴宗室親王叔祖叔父協心藩屏鞏

固國家暨中外文武賢臣同德匡輔用臻至理弘建宗社生

民悠久之福詔告天下咸使聞知

有白氣東西竟天



辛亥勅諭南京守備襄城伯李隆征南將軍總兵官太傅黔  
國公沐晟鎮朔大將軍總兵官陽武侯薛祿及各邊將練兵  
癸丑忠勤伯李賢卒賢胡人初名丑驢元工部尚書洪武二十一  
年來歸篤慎能譯書賜名氏授燕府紀善早侍世子多勤靖  
難功歷都指揮同知專譯北上表奏 仁宗初念舊勞進後  
軍都督僉事尋封伯祿千一百石年八十賜祭葬爵除  
甲寅始聽政于西角門

平江伯陳瑄總漕赴北京兼鎮守江南淮安  
免各郡教縣官及巡檢以下明年改元朝賀

罷浙江內使市買及各處派辦紵絲紗羅毯段香貨銀硃金  
箔果品海錯等物從巡按浙江御史尹崇高之請

南京地震 賑山東德州濟寧鄒縣滕縣等饑民

乙卯宥西寧侯宋琥俾奉朝請 賜京師軍匠布鈔


行在吏部尚書蹇義言內外官吏 先帝時坐罪蒙赦有託

喪而亡者 上曰父同之恩同于天地人至不肖有死其親

以潔其身者哉君子不逆詐其宥之

黜浙江布政司叅議王和袁昱陝西按察僉事韓善皆削籍

以犯贓遇赦吏部擬還職不許



湖廣藍山縣盜潘康生等仇殺土民尋自歸兵部奏論如律  
上貸之

貸安徽無為州民倉穀一萬七千五百餘石諭行在戶部尚  
書申預備倉之制務存實惠

昏大星赤光出心宿行至雲中  
命平江伯陳瑄遣漕軍五萬人就役山陵  
右春坊右贊善王讓為行在吏部右侍郎司經局洗馬張瑛  
戴綸為行在禮兵二部右侍郎  
河南新安知縣陶鎔以民饑不待報貸民糧一千七百二十


八石 上善之諭戶部尚書夏原吉毋責其擅發

丁巳聽選主事陳良乞武秩考課如文秩 上以世弁論功不許

安平縣丞耿福緣以兄負當汰民詣闕奏留遂進福緣知縣  
庚申留陝西官軍就被備禦河南山西軍入京師操備初陝  
西軍入京河南山西往陝西甘肅更涉勞遠 上兩劑之

夜大星赤光出天弁東南行至雲中  
辛酉昏刻有大星光青白燭地出明堂西南行至近濁曉刻  
又一大星赤光出正北雲中行至雲中

壬戌廣寧中屯衛軍士馮述言定遼金復海蓋五衛已立學





官而三萬瀋陽廣寧義州諸衛未設乞並立學校又歲進遼東二十四衛冬布花衣皆貯金州旅順口分給遠至二千五百里或二千里遠道妨農若如洪武舊制定遼瀋陽海州蓋州諸衛于牛莊廣寧義州諸衛于陵河金復二衛于旅順口則貯給甚便又驛路經錦瑞二州相距三百里荒山隱寇莫若擇二州女河旁沃土脩城置衛屯種樹防上從之夜大星光青白出壁南行至近濁  
癸亥浙江左布政孫雋河南左叅議王徵坐贓罪援赦復使不聽皆削籍

瓦剌部屬亦速不花等五十四人來歸本雅失里之妻預焉命厚給之

乙丑令南京守備襄城伯李隆等以萬卒赴山陵營作召鎮朔大將軍陽武侯薛祿

丙寅行在禮部尚書呂震請遵遺詔七月朔常服視朝朕止不忍俟百日後議之


丁卯設南京江北軍匠十一萬八千人赴天壽山陵七月戊辰朔上素服御西角門不鐘鼓

懷慶大長公主薨公主嫁駙馬都尉王寧

國權

洪熙元年

三十



行在太常寺卿王勉嘗坐贓以使陝西 先帝欲罪之至是  
還朝削籍

浙江按察司副使許銘上言邊軍困于雜役多致逃亡防守  
既疎屯種亦鮮若悉矜免專令脩邊如舊給與俸糧具有餘  
力各遣屯田則食足兵強矣又北狄歸誠保無反側如祖訓  
許其三年五年一至餘悉行禁止免困民力 上嘉納之

夜大星赤光出羽林軍南行至雲中  
已巳上大行尊謚 仁宗敬天體道純誠至德弘文欽武章  
聖達孝昭皇帝謚皇庶母貴妃郭氏曰恭肅淑妃王氏曰貞


惠麗妃王氏曰惠安順妃譚氏曰恭僖充妃黃氏曰恭靖  
日生暈左右珥色黃赤夜大星光青白出五車東北行雲中

庚午頒謚詔

遣中官雲仙鎮守雲南

夜大星赤光出閣道東南行入壁有一小星隨之  
辛亥山東平度州同知王瑄昌邑主簿劉整以冗負當汰者  
民詣闕留皆復其官

陝西按察司官言先邵陽知縣孫浩憂去吏民思之乞起復  
補咸寧縣從之



癸酉南京地震

甲戌 上閔雨傷稼遣中官雷春禱而霽時水決蘆溝河

乙亥尊 母后張氏為皇太后立妃胡氏為皇后并冊貴妃

孫氏淑妃劉氏惠妃何氏

行在錦衣衛指揮僉事曹賓混請釋重囚謫戍保安衛

戊寅韓王冲焮奏平涼遠瘠乞改江南不許

丁丑復鄒銳左通政 此條在戊寅之上

何景明日予至平涼城中千戶皆荆戶土墻而朱其門問  
之悉宗室人居日需祿府官不得則白衣張拳詈于衢府

宦官甚苦之夫宗室日益蕃而養弗給肢脛病不伸畜而將  
少為壅腫支離可不急治之哉

晉王濟煥請入朝賀不許凡諸王奏請皆止之

召鎮守江南淮安都指揮使閻福

行在右副都御史弋謙上二事擇守令禁市買從之

宥故忠誠伯茹瑄子銓鏞及家屬等二十七人皆為民給所

籍沒田宅銓鏞前戍廣西河池


弛黃化鎮東至紅羅山樵採之禁懷柔知縣邵源亨言其去

陵遠也

國權

洪熙元年

三五



南京地震

已卯令吏部選交趾教官用華人變其夷習  
夜有大星赤光出勾陳西南行入紫微東蕃

庚辰漢王高煦言利國安民四事 上褒荅之已而顧諸侍  
臣曰昔 皇祖嘗言此叔有異心 皇考終厚之如今日之  
所請果洗其舊習不容違也

大賚諸王公主

行在右副都御史弋謙為交趾右布政使大理寺右丞寺陸  
楨孫子良為交趾布政司左叅議楨嘗使交趾子良先兵部


武選郎中坐累謫交趾吏至是署布政使事兵部尚書陳洽  
薦楨子良才又諳夷俗

夜大星光青白出勾陳西北行至近濁

辛巳占城國入貢

大賚百官儒吏軍民僧道醫匠夷使人等凡三十二萬九百  
五十人共給九十六萬三千八百二十九金有奇  
壬午漢世子瞻垣入臨

行在鴻臚寺司賓署丞焦循攝禮部郎中鳴贊盧進攝鴻臚  
寺少卿頒詔朝鮮



有自宮求用者數人命循例戍邊

昏刻有大星光青白燭地出閣道東北行至近濁

癸未賜趙王高燧田園八十頃有奇

調安徽鳳陽府同知王鳳等一百十九人于交趾俱罪宥補

交趾各郡縣

乙酉大寧都指揮同知金順為行在左軍都督僉事

行在兵部右侍郎戴綸往交趾叅贊軍務

夜大星赤光燭地出天津東北行至雲中

丙戌行在前軍都督僉事劉鑑改南京後府河南都指揮同

知王敬為行在前軍都督僉事

進士蔡子宜為訓導子宜永樂九年歸養終喪不起吏

部勅其私重上閔而官之

交趾選貢生王憲等八十二人赴京歲賜衣服如雲南例

丁亥都指揮同知把兒歹為行在前軍都督僉事

戊子翰林院庶吉士黃澍薛理楊鼎高舉章邱訓導張居傑

儒士儀銘為給事中樹居敬行在吏科理戶科銘禮科鼎兵


科舉刑科

都指揮卞福仍禦備開平

國權

洪熙元年

三十四



修臨漳決隄

己丑忠義中衛卒甄武免為百戶初犯薊州黃崖口東勝  
右衛指揮同知寧遠等追斬一級出成免餘効勇二百四十  
五人接應百有九人俱厚賞

設遷曰斬級一耳溢賞如此祖宗朝折衝之風稍損矣  
可以觀世矣


安徽旌德教諭林蘇九年考績諸生無應舉者例謫戍追俸  
先帝監國寬其期三年又如故上免其罰仍教三年  
庚寅役河南山東山西鳳陽大名等處五萬人治山陵

陽武侯薛祿請移開平衛于獨石不許  
辛卯許山東被災郡縣以鈔代租

廣西桂平縣大藤峴徭寇平征蠻將軍鎮遠侯顧興祖以聞  
征前將軍鎮守遼東總兵官武進伯朱榮奏都指揮唐琦  
擊駱駝嶺斬七級及朵顏衛指揮哈刺哈孫等不貢欲乘  
其未備搗之上勅其慎守

遣視定普深州藁城無極饒陽新樂寧晉等處河災  
壬辰封後軍左都督吳成清平伯世祿千一百石成山後人

初名買驢來降賜姓氏



召予告尚寶司少卿袁忠徹

後軍都督同知鄭銘鎮守江南徐州

樂亭縣人胡敬上言致治莫急于聽言：路通塞治亂係焉

臣願陛下開不諱之路廣忠諫之門清問下民平易近物

聽受忠鯁不拒拂逆則嘉言嘉謨日有所聞矣又願言必信

用必賢戒無益慎虛名勅天命卹民隱誠于求言以來天下

之善而于六者終始力行則天下幸甚上覽而嘉納之

夜有大星赤光燭地起五車東北行至北斗魁炸散

癸巳給行在禮科給事中傅安告身時還撒馬兒罕出使殆

二十餘年未及考最特優之

夜大星赤光起天槍西北行至雲中

乙未復定遠李達陝西都指揮使仍守洮州

夜大星光青白起羽林軍行至近濁


丙申山東鹽運使虹縣唐鑑致仕故太子少保兵部尚書唐

鐸之弟巡按御史論其昏怠上以鐸故名臣故優致之

巡按四川監察御史何文淵言高皇帝州縣設立老人勸

善息訟此誠良法比年所用多非其人馮藉肆虐挾制官府

宜按問如律上從之



遣視順天河間保定順義懷柔肅寧任邱靜海慶都清苑雄  
縣灤州等郡縣水災

昏刺大星赤光起壁東南行至近濁

丁酉哈密貢使都指揮同知脫不花為都督僉事

鎮前將軍鎮守遼東武進伯朱榮卒榮山東沂州人大寧  
前衛副千戶從靖難歷左軍都督僉事攻寇功封鎮守遼東  
追封武進侯謚忠靖子冕嗣

閏七月戊戌朔琉球國中山王入貢

福餘衛都指揮安出等納馬謝罪并求補給失印從之

夜大星青白光燭地起天倉東南行至天園

已亥都督府吏左輔興州衛卒譚瑛言駙站田牧事下行在

禮部尚書呂震曰吏卒卑不識大體言利病觀用耳 上議

曰芻蕘之論聖人所擇察當否議行之


庚子靖州人詣闕留故知州張幹從之

辛丑肥城邱縣以官牛斃留祖額一百五十四石命除之


代王桂上表失書名禮部請責其官屬宥之

夜大星光青白起羽林軍西行至壘壁陣

壬寅衍聖公孔彥縉來朝賜金織文綺襲衣如一品







夜大星光青赤燭地起天倉東南行至天庑

瓦刺部屬脫來歸願居京自効授百戶

癸卯作鹵簿大駕

詹事府俞士吉為刑部右侍郎

南寧衛指揮僉事李璧等討武緣縣盜斬六十七級盜平

夜大星赤光自牛西南行至雲中又流星青白光出壘壁陣

西至近濁

甲寅太子賓客兼國子祭酒胡濙仍為禮部左侍郎仍兼秩如故

易州判官張友聞當以冗去州人乞留從之

巳巳纂修 文皇昭皇寶錄太師英國公張輔太子太保成

山侯王通少師吏部尚書蹇義少保兼太子太傅戶部尚書

夏原吉為監脩少傅兵部尚書華蓋殿大學士楊士奇少保

戶部尚書兼武英殿大學士黃淮太子少傅工部尚書兼謹

身殿大學士楊榮太子少保禮部尚書兼武英殿大學士金

幼孜太常寺卿兼翰林院學士楊溥為總裁

丙午後軍都督僉事郭義為游擊將軍巡視薊州永平山海

等邊

瓜哇國舊港宣慰使入貢

羽林右衛水軍千戶所改長陵衛中右千戶所

丁未諭行在吏部尚書蹇義等曰御史考察郡縣官欲其任  
賢退不肖也比聞多信邊言不博訪吏勤職奉公禁暴振廢  
小人畏之讎為刑酷成賍濫可狎侮利之更挽舉是使正人  
受誣群枉得志也其勅布政司按察司巡按御史嚴覈之  
戊申安順伯薛貴清平伯吳成都督馬瑛都指揮梁成等李  
岳巡塞外  
己酉昏刺大星光青白起梗河西行至游氣

庚戌滕王瞻塏薨王母貴妃郭氏 仁宗即位封國雲南未

行年十七謚曰懷國除


壬子遣進士陸徽等採京省事跡脩寶錄

命泰寧侯陳灝廣寧伯劉滹分視太僕寺北京行太僕寺印  
馬

昏刺西北白虹有大星光青白起霹靂東南行至羽林軍

癸丑交趾巡按御史古清化賊黎利圍茶隴州入安土知府

琴彭拒守七月不解乞援勅遂昌伯陳智等議之急發兵往  
援



行在光祿寺乞歲造酒計在二十二萬以不急停之

甲寅興州左屯衛卒范濟詣闕上八事申明諸幣屯兵要地  
訓練精銳勾軍擾害勸課農桑興舉學校息偃兵戈沙汰冗  
員上善之濟故元進士國初舉文學守廣信累戍興州時  
年八十四遂除訓導

前召禮部主事廬陵葛清隱年老仍令致仕

丁巳周王橚薨王初封吳國錢塘既以賦覈改封周國開封  
王好學能詞賦工書製元宮詞百首又辨雜蔬四百餘種名  
採荒本草嘗來鳳陽高皇帝謂擅離國謫雲南尋復之建


文中削爵靖難後復之後或告王反按之非實獻三護衛關  
東書堂以教世子年六十五謚曰定

廣西布政使右布政周幹自蘇常嘉湖等巡視民瘼還朝歷  
言利弊即下部行之

浙江嚴州府建德人言嚴州里不及五百浙省徵科一槩派  
辦乞本司酌里數民數為差從之

夜大星光青白出大陵東北行至雲中

已未先帝以甘肅隱糧六萬七千九百石有奇監遣察御  
史王珣往覈不即奏聞上下之獄



庚申守居庸關都督僉事沈清進黃鼠責止之  
夜大星光青白起天津西南行至鞏爪  
壬戌遼東都指揮使巫凱為左軍都督僉事征  
前將軍總兵官鎮守遼東  
都察院左都御史夏迪素矜傲臨事瑣細人不能堪監察御史何楚英等訐其催糧常州總同官子受武進人金命下臺獄法司知其誣莫與辨謫駟卒憤恨死  
廣西思恩縣盜覃公旺河池縣盜覃公新等作亂勅鎮遠侯顧興祖捕之

夜大星赤光出北河行至游氣

癸亥停鳳陽諸處人陵工

四川華容縣儒士戶崧上三事曰正洪基乞回鑾南京曰汰冗官曰全俸祿命行在禮部行之

甲子右春坊右司諫羅昭為襄府左長史


大賚鎮守武臣黔國公沐晟武安侯鄭亨鎮遠侯顧興祖遂安伯陳英襄城伯李隆平江伯陳瑄榮昌侯陳智安平伯李安保定伯梁銘都督蕭授費瓛譚廣陳懷巫凱都指揮曹儉

唐銘卞福

國權

洪熙元年

聖



乙丑行在太常寺卿兼翰林學士楊溥言 先帝之時臣與侍講王璉編修楊敬五經博士楊繼給事中何澄于思善門外弘文閣討論經籍今當納弘文閣印許之溥仍直內閣餘還原任


八月丁卯朔魯王肇輝進瑞粟有一莖至二十穗者行在禮部呂震請賀 上曰四方大矣比者畿內水潦奏牘不啻民之艱食即謂瑞應亦僅東魯隅何以令朕無夙夕憂不許

戊辰琉球國中山王入貢

直隸吳橋縣民留其知縣吳原從之

陝西行都司土官都指揮李英討安定曲先番寇敗之永樂末中官喬來喜鄧成等使西域被劫殺 仁宗命李英與必里衛土官指揮康壽等討之斬安定寇四百八十餘級俘七十餘人曲先寇聞之遠遁安遠<sup>定</sup>王桑兒加矢等躬詣闕請罪宥之

己巳庶吉士劉俊李芳為行在兵刑科給事中姚昇為行在湖廣道監察御史廣東布政使右叅政趙次進服闋故太僕寺卿廣東按察使劉子輔服闋吏部謂非風憲才降諒江知府行在御史王鶴劉愷彭昶楊復皆不勝任降推官鶴揚州



愷汝寧昶馬湖復廣信

減寧夏今年屯租

庚午復遼東都指揮同知于全官全私侍漢王蹴鞠賜綉金龍袂等物 文皇成之交趾至是漢王為請

山西按察僉事張萃不稱職例謫邊職 上曰彼方岳遽雜職過矣降應山知縣著為令

山東布政司右叅議馬撫臺考不稱職 上以安邱守城功命破例予致仕


行在工部奏內供綺羅九千匹下蘇州杭州織作 上念民艱減其半

辛未江南金壇縣水災免田租二萬八百四十八石有奇

壬申勅中外各舉守令曰政在安民在守令聖帝明君 安民

靡不慎此選也朕夙夜孜孜而四方任職者率不稱詔書求賢自即位下之至今胡寥耶其令內外群臣各舉所知以聞且嚴舉主連坐之法

行在禮部右侍郎鄒師顏卒師顏江西宜都人監生授兵部主事歷山東右叅政永樂中坐事降御史遷大理寺丞先帝進侍郎予告道卒通州喪不能歸命給駟舟 上曰負如




師顏可嘉也即吾臣之廉者豈一人哉有不幸畢官次者以  
師顏為故事蓋廉介慎密人不敢干以私或謂其人頗刻  
故交趾左叅政馮貴贈左布政使右叅政侯保贈右布政使  
從尚書黃福之請史又謂貴貪侈在交趾得子女金帛甚富  
貴死悉為豪猾所據侯保亦貪但和厚能勤其死也人頗惜  
之夜大星赤光起北斗杓西北行至雲中  
丙子交趾賊阮可朗等伏誅  
交趾武寧州人阮克孝上五事俱庸鄙如採蝴蝶取珠上  
置之

定漕舟先後從便發運

丁丑免山西沁州潞安徐溝大谷祁州屯留雹災田租  
貴州水德江長官張沂言部趣食益鈔貴州皆溪峒蠻民商  
鈔不至乞免納上從之  
夜大星光青白出織女東南行入天市西垣  
戊寅行在禮部尚書呂震言喪服百日請易素服令俟山陵  
畢再議

遣內官李敏馬驥等送神機銃砲于萬全等衛戒其專護神  
器餘事悉聽總兵守備官毋一預自是中官送器械赴邊俱



勅戒

夜大星光青白起天苑東北行至近濁

巳卯江南武進宜興江陰無錫去歲水災勸富民分賑米麥  
二萬九千九百九十一石有奇 上諭戶部勿輕用厲民之政  
壬午昏刻有大星光青白燭地出自外屏東南近至近濁

癸未廣西按察使胡縻為大理寺卿同四川右叅政葉青巡  
視應天蘇松常鎮杭湖嘉興召浙江治農事左通政岳福還  
初周幹巡浙直還言有司多非人士豪虐民故遣縻等法治  
後又錦衣指揮任暎御史賴瑛佐之

前司經局正字王雅謫交趾召至授翰林院檢討

令御史按察使每歲八月出巡錄囚刷卷

甲申鄭王瞻垓往南京祭孝陵代告即位

乙酉教官闕一千八百餘人許擇國子監生五百人務經明  
行修之士

丙戌勅廣西總兵官鎮遠侯顧興祖勦思恩忻城宣化桂平等  
賊平之


夜大星赤光起天倉西南行至近濁

丁亥召仁宗獻陵


國權

洪熙元年

四十五







夜大星赤光起外屏西北行入室月暈圍蒙畢觜參井五車

己丑夜大星赤光起五車西北行至文昌

辛卯曉刻月犯軒轅南星

壬辰夜大星光青白起外屏西南行至天倉

癸巳太白晝見

甲午前晉王濟熺詐諸弟濟熿濟炫濟煨輩寃陷乞入朝面

陳上書止之

勅太監鄭和等修南京宮殿

徵山林通經之士

夜大星赤光出畢東南行至雲中

乙未許交趾叛蠻路文律潘僚陳文阮幸等納款勅諭之

應天府尹薛均言工部光祿寺市買三年未給直上以有

司不恤民命今後官員即給直

丙申石州人脫自中云阿魯台令部人各備馬三意南侵

遂勅總兵官鄭亨譚廣唐銘等嚴備

榜武臣恤軍士

是月貴州諸生附湖廣試

九月丁酉朔夜大星青赤光燭地有三小星隨之起出外屏南

行至土司空炸散

辛丑夜有大星光青白燭地出自勾陳西北行至天倉又有  
一大星赤光燭地起自天倉西南行至近濁

壬寅葬 仁宗皇帝于獻陵

乙巳昏刻月犯壘壁陣

丙午巡按山西監察御史耿文言興州鎮<sub>中</sub>高山雲岡大同  
諸衛皆以征戍罷也 上諭行在戶部以壞法詰其實

山東萊陽縣秋雨傷稼蠲其田租

丁未始給大營官馬芻豆

戊申復李嘉行在通政使前坐事謫交趾按察使知事

左通政岳福上言蘇松嘉湖等府久雨損稼命除其田租

己酉昏刻大星光青白出自壘壁陣東行至北落師門

辛亥祔 仁宗皇帝主于太廟


壬子行在大理寺卿虞謙奏民有盜殺官馬者論死 上曰

柰何以馬殺民遂成邊

癸丑給國子監官吏俸鈔永樂未俸鈔俱折支胡椒蘇木國

子監未之及

分遣大臣清理軍民列為八目




南京都察院奏蘇州劫盜四十人當斬命詳審以聞因諭左  
都御史劉觀等曰隋陽時盜發殺二千餘人真犯僅數人群  
臣順旨不復奏令人歎恨卿等宜奮之  
甲寅行在都察院右都御史向寶右副都御史胡廙往南院  
建都知監于東華門外  
鑄內府寶鈔司印

乙卯設 獻陵祠祭署

太子太保陽武侯薛祿署行在都督府兼操習幼官幼軍  
前長清知縣薛慎服滿故縣民詣闕請復之吏部尚書蹇義

曰長清有令矣 上曰必不如慎國家置守令以為民也民  
欲得令何憚更焉  
特復太子少傅工部尚書兼謹身殿大學士楊榮家  
定科舉取士分南北應天鄉試八十人順天五十人兩雍  
預焉江西五十人浙江福建各四十五人湖廣：東各四十  
人河南四川各三十五人陝西山西山東各三十人廣西二  
人雲南交趾各十人貴州則就湖廣

丙辰令南京明年朝正府部寺院各選一官餘止之  
丁巳初晉府軍醫祝敬告王刺朝事招異術晉王濟熿聞之



懼言其離間 上以其章示晉王慰答之


戊午靖州蠻民以有司令作戰衣無布且不習 上責工部  
失當九邊民悉免之

夜有大星青白光燭地出自壘壁陣西流入雲中又有一大  
星出自墳墓西南流入雲中

已未詹事府丞艾良為行在大理寺左寺丞左春坊左中允  
張中璉為大理寺右寺丞左贊善蘭從善左司直郎蔣驥高  
穀為行在翰林院侍講右春坊右中允徐永達為行在鴻臚  
寺左少卿林長楸為鬱林知州右司直郎蔣光為行在尚寶

司丞張景良為順慶府通判清紀郎韓岫張昱為行在戶刑  
科給事中司諫吳顥為國子監助教司經局校書劉琢為行  
在國子監助教馮景浩為行在禮科給事中正字陶永成為  
北京國子監學正長楸侍 上東宮屢諫游獵忤從幸南京  
聞報北還舟行獨後也

文華殿大學士徐州權謹年老以叅政司左叅議致仕謹字  
仲常性孝友刺學薦令樂安仁恕廉明治冠一時遷光祿署  
丞母喪廬墓三年有烏鳴泉湧鬼馴之異 先帝召拜大學  
士侍 上操履質實文非其長



何喬遠曰 仁宗在位一年所用權謹出自簡在其于風  
勵世教遠矣

庚申漢中訓導內江李蕃為行在兵科給事中初蕃上端本  
策 先帝召之是至入  
常山左右護衛改永清左右衛

四川按察使陳璉上言五事明禮制一風俗脩武備慎刑罰  
興義倉 上嘉納之

夜大星光青白燭地出自天厨西北行至近濁  
壬戌行在通政使右通政秦川改南京通政時左通政鄒銳

坐事下之獄

癸亥撒馬免罕頭目阿都免火者來歸授正千戶居甘州

甲子夜有大星光青白燭地起內厨穿北斗行至近濁又有

大星出自天舡行至近濁

乙丑工部造鹵簿器械責京民沙魚皮言非其產以聞免之

十月丙寅朔後軍都督僉事費璫為右軍左都督

遣中官祭司井之神


給四川永寧邊軍毛袂旅帽

享太廟始御奉天門易服受朝

國權

洪熙元年

五



戊辰國子博士周岐鳳為兵部職方員外郎儒士楊翥為行  
在翰林院檢討

北京道監察御史宜順坐使枉道還里謫安徽青陽縣丞  
已巳召鄭王還

行在兵部尚書李慶治南部

太子太保成國公朱勇掌行在後軍都督僉事

夜大星光青白出河鼓西南流至游氣中

辛未陝西行都指揮同知上官李英以安定曲先功為右  
軍左都督食祿不任

命邊人脫歸自下者給道費復其家


夜太白犯平道

壬申思州府檀凱九載當遷其民詣闕留上曰爵祿所以  
勸士也古人有三優：外官勉治也優小吏養廉也優故老  
尊德也民愛凱其優之五品之俸

癸酉先帝停河州酥油至是所市牛俱給屯軍

甲戌山東布政司左叅議張旗被劾以安邱守城功予致仕  
復其家

丁丑夜大星光青白起自畢宿行至游氣



戊寅北京行部右侍郎監利裴璉有罪下錦衣衛獄

右軍都督同知倪寬卒寬江南邳州人從靖難功予祭葬

行在翰林院脩撰李騏卒騏福建長樂縣人永樂戊辰賜進士出身第一生平耿介有氣節

庚辰行在中軍都督僉事任禮為都督同知湖廣都指揮使

李英為行在中軍都督僉事

行在營繕所正郁榮為工部主事以陵工陞賚有差

辛巳江南金壇縣人告訐拒捕都察院論叛死籍其家弟在

赦前上於其鄉愚悉戍邊

湖廣布政司左叅政黃澤上十事正心恤民敬天納諫練兵

重農絕貢獻明賞罰遠嬖倖汰冗官上悉嘉納之

夜月食在畢太白犯亢又大星光青白出弧矢南行至近濁

壬午諭法司凡軍職雜犯死罪及應徒流者即戍邊立功真

死罪不赦

夜大星赤光出氐東北行至游氣

甲申河南布政使蕭省身秩滿三年例得本身誥以父年右

老乞先授父許之


乙酉朱冕嗣武進伯朱榮之子

昏刺大星赤光起自天五車行至游氣

國權

洪熙元年

五



丙戌浙江布政使右叅議戴同吉上五事明學校之教嚴邊境之備慎守令之選敦勸士之典立勸懲之法 上議行之其慎守令以京官郎中負外主事及御史之德量廉幹達治體者為郡守于進士監生儒士人才擇其端莊禮法者為縣令到任半年令巡按御史按察其臧否而去取之其司考察勸士乞增其俸祿不然令選郎中等官之賢者并外考稱職五品以上者支米四分鈔六分六品七品米鈔中半八品米七分鈔三分九品以下全支若平常不稱者俱仍舊如是則廉勤者有廉庸常者知戒


戊子福建漳州衛千戶甘斌以外戚恩任錦衣衛指揮僉事豪橫降千戶求復秩不許行在刑部大理寺奏決囚 上命大臣與給事者再讞無冤者為令放還

己丑鎮守河州都指揮使劉昭為右軍都督僉事仍守河州庚寅周世子有燉嗣周王 上命錄文官信令昭平春味放還緣邊軍士久練京師者勅總兵官遂安伯陳英都督陳景先毋私役軍士

夜大星光青白燭地起自中台東北行至中台炸散

國權 洪熙元年

五十三





癸巳許趙府長史趙季道省墓以其賢也

甲午慶王梅上言洪武中自慶陽徙常州建文中徙于寧夏  
以卑濕鹹鹼仍乞常州 上以舊制不許第從便往來  
乙未行在工部請追攝工匠 上命移文有司令明年春和  
自赴役

十一月丁酉行在中書舍人葉養姚秩為行在翰林院編脩庶  
吉士王璉何志曾泉萬碩木訥張觀沈善周安劉濬張遜李  
敬盧璟為監察御史

辛丑山東博野等縣流民復業以有司督征田租命緩之

癸卯江西左布政使盛頤被劾降工部員外郎

甲辰遣視浙江烏程歸安長興等縣水災

丙午夜大星赤光出太微西垣行入天廟曉刻太白犯填星

戊申江南嘉定民乞留縣丞戴宿從之時裁冗負調宿平陰


夜大星赤光出天舡行至近濁

南京地震

庚戌時阿魯台貢馬或自下中歸言彼攻兀良哈欲窺開平

興和 上勅各邊總兵官鄭亨等嚴備都指揮同知李信鎮

守懷安衛都指揮僉事路宣鎮守定邊衛



辛亥鹿邑人乞留知縣鄭郁以郁得民從之

壬子行在工部尚書吳中奏造御器當市料 上曰昔漢文帝服御帷幄無文繡之飾朕甚慕焉造器物料內庫幸不乏其止

癸丑韃靼字羅脫者可脫干來歸言中密事賜衣鈔 上以狡諭尚書呂震去留任之

遼東都指揮使王真為左軍都督僉事仍署司事

四川雙流知縣孔友諒上六事汰冗負任風憲重守令慎科目厚俸祿薄征徭下禮部行之

乙卯高山玉林鎮雲川四衛改隸山西都司初洪武中隸

山西後入保定涿州雄縣

故江陰侯吳高子亮等戍海南衛釋之


夜月犯內屏星

丙辰戶科給事中沈寧使江南需賂見劾下獄降為駙卒

丁巳鑄隨駕尚服局尚寢局宮正司印

辛酉命陽武侯薛祿為鎮朔大將軍總兵官率開巡平宣府大同

行在刑科給事中林簡孫郁吏科給事中何宣禮科給事中



陳應爰兵科給事中陳耀工科給事中謝永趙獻俱奏事不  
明謫州判官簡交陟快州郁桂陽州宣六安州應爰交陟福  
安州耀交陟驩州永利州獻交陟清化州  
勅榮昌伯陳智安平伯李安都督方政征交陟賊黎利先  
攻茶龍州殺人安知府署茶龍州事琴彭潛結玉麻老搗土  
酋太監山壽賈勅宥其罪授清化知府詭言俟秋往又怨叅  
政梁汝笏乞改署茶龍州事而土人從逆日不少蔓難圖也  
總司尚書陳洽請勦


設遷日黎賊抗悖日久勢不可宥即欲羈以好爵亦俟其

悔罪乞憐待命下吏今輕尺一之書遽蒙曲貸裂郡而授  
之萬無他虞非所以勸後也向者陳季擴不餌以叅政乎  
今之郡守猶昔之叅政也覆轍相尋啟端僭偽徒為彼狐  
鼠所擲揄耳惜哉

夜填星犯鍵閉

壬戌遣視江西南昌建昌宜黃臨川等水災除其租

上御文華殿問楊士奇楊榮曰朕久長言之今獨卿二人未  
輕泄也昔在南京高皇帝考曰交陟俘至諭朕以高皇帝混  
一天下平均回裔安南臣服最先其後黎氏篡陳奪之及其



無後乃俯徇民心許為郡縣果陳氏有後選擇立之猶高  
皇帝心也朕對云若行之誠帝王之盛舉皇考笑而秘之  
朕未嘗忘迄今思之陳氏果有後立之患備藩三年一貢如  
國初用寧其民省中國屯戍之勞豈非策乎議者謂捐棄成  
業然繼絕興滅實成皇祖之志士奇榮對曰太宗皇帝  
初征黎賊凡詔勅皆面命臣等興滅繼絕玉音具存上曰  
其時朕在髫歲尚記聖語卿二人第識之勿言行自見也  
癸亥賑濬江南儀真瓜洲壩河甲子貴州鎮遠府中水長官司所部畧洞苗銀總作亂命都  
督蕭授調湖南辰沅等衛兵萬四千人討之會于清浪衛

### 南京地震

十二月丙寅朔南京地震


戊辰渤泥國王遐旺遣使叔沙那萬喏耶率頭目坐阿烈等  
來朝

大寧都指揮僉事陳景先為行在左都督僉事

已巳行在通政司左叅議李文郁改南京

前浙江天台知縣康彥民罷居十餘年天台人思之吏部難

其例上特召至除江寧縣丞



南京地震

庚午琉球國中山王入貢

直隸大名縣丞賀楨秩滿當遷邑人詣闕乞留從之進知縣

癸京南京地震

甲戌沙州衛把失帖木兒携家歸京師授所鎮撫

夜有大星青白光燭地起自參宿東南行至近濁没

乙亥翰林院庶吉士周貴為檢討

賑邵陽縣饑民糧一千二百十五石

丙子行在兵部事劇增武選主事二職方主事三武庫郎中

一主事二

丁丑鑾駕庫匠李官保言戶有三丁兄弟俱夷陵庠生乞免

役上以諸生例免二人命復之

己卯大寧都指揮同知梁成為行在前軍都督僉事

庚辰南京地震

夜月暈圍太微西垣軒轅及井鬼柳三宿

辛巳夜南京地震


甲申總兵官鎮遠侯顧興祖平宜山賊常穩等

乙酉榮河人周克庸進嘉禾

國權

洪熙元年

癸



丙戌免直隸完縣益糧絹芻苜時水潦

丁亥海寧縣逃民復業者九千一百餘戶免其夏稅

戊子占城入貢

福建尤溪縣銀屏山銀場歲課五百七十金後至二千七百

金山民逃亡命仍舊額

己丑行在禮部尚書呂震數求子熊官至流涕遂授熊行在

兵科給事中

庚寅上罷朝御左順門與尚書蹇義等論及漢光武保全保

臣義曰光武吏事責三公故功臣不用所以保全之上曰

伊尹闕天散宜生等未嘗不見用參陵平勃輔安漢室皆高

帝之舊彼誠任公輔推誠倚重固無不保全矣

辛卯都察院右都御史蕪湖杜智前守北平功歷今官至是

被劾致仕


陝西署都司都督僉事胡原貪黷有罪宥之致仕

北京行部右侍郎裴璉降涪州知州初視陵陪祀俱偽疾被

劾

夜大星光黃赤自子星旁行至游氣

壬辰勅行在禮部曰京師庶政所出文武群臣旦夕趨事才



新  
智不齊寧無過差其自洪熙以前所犯過名悉與消除俾自

國權

宣德元年丙午

正月丙申朔 上御殿受朝賀

戊戌勅曰朕嗣承鴻業惟天惟祖宗夙夜祇敬不敢怠寧茲  
肇歲政元一新天下祖宗簡任文武群臣遺于朕躬爾惟懋  
哉殫慮勤力用恭乃職不惟賴我國家爾亦有無窮之聞  
已夷孔顏孟三氏子孫孔克勤等及潞陽王後人郭昇等來

朝賜鈔遣還


國權

宣德元年

一

益官設遷孺木著

國家圖書館, NATIONAL CENTRAL LIBRARY, TAIWAN, R.O.C.



辛丑勅鎮遠侯顧興祖撫諭宜山清潭等蠻

癸卯享太廟

甲辰將郊 上致齋武英殿與群臣習儀殿上諭蹇義等曰  
祭享之禮莫嚴于此朕敢不敬 夜南京地震

丙午瓦剌賢義王子控烈忽嗣封遣指揮孫觀千戶岳謙  
昏刻月犯五諸侯星夜月暈圍井南北五車

丁未 上南郊

戊申衛府右長史楊徽卒徽 進士授御史練達敢言擢

長史博學好古隨事開益

己酉遣使賜別失八里王歪思及西南夷木邦緬甸麓川車  
里八百大甸老撾宣慰司孟民孟定灣甸鎮康等土官紗羅  
錦綺有差時麓川木邦爭界併諭解之

庚戌哈密卜答失里嗣忠順王係忠義王免力帖木兒之姪  
漢王高煦進燈受之

廣西柳州叛獐常敬曉等來歸 昏刻月犯內屏星


壬子建州左衛指揮僉事猛哥帖木兒為都督僉事

大理寺卿吳檠以松江豪猾械送京師下法司治罪

癸丑勅法司寬宥罪囚除重犯運糧宣府

國權 宣德元年

二





申按察司比較都司勾軍之數

上退朝御左順門語侍臣曰御史按察司官凡有司貪贓不法者即糾舉不待考滿升降其御史按察使官以官察當否為功罪

乙卯釋山東都指揮衛青徵復其官先備倭登州坐罪

丙辰忻城伯趙彞卒彞虹縣人永平衛指揮僉事從靖難封丁巳山東博野知縣陳哲秩滿耆民乞留之予復任


太師英國公張輔閱實京軍其河南山東中都等衛選調令依期赴京 夜雨京師大雷

貴州銅仁大崖土黃玩水銀硃砂場局改隸大萬山長官司  
己未遣行在吏部右侍郎黃宗載往浙江戶部左侍郎郝鵬  
往湖廣刑部左侍郎樊敬往淮揚廬鳳滁徐俞士吉往應天  
太平寧國安慶池和廣德吳廷用往江西北京刑部左侍郎  
金岸往北京都察院副都御史李素往山西大理宗卿湯宗  
往山東少卿嚴昇往鎮江蘇松常徽李謙往廣東施禮往河  
南寺丞張宗璉往福建艾良往四川通政司右叅議何懷輝  
往廣西河南寺丞鴻臚寺丞張人寶往陝西各清理軍伍

詔宣府兵分春秋二番較閱京師

國權 宣德元年

三



尹耕曰或問鎮兵番閱曰國初事也北下懾三駕之威此  
雖存餘警京師當定鼎之始番重本根是故運獨石之米  
則五軍偕來諸京營之兵則邊鎮班上所以均勞逸同練  
習救時之良法也嗚呼田家入而騷縱之風興團營選而  
游惰之弊積故曰法不變不行變不善不繼

庚申南京禮部左侍郎兼國子監祭酒胡濙來朝留為行在  
禮部左侍郎 是月脩廣西南丹衛城

壬戌都督蕭綬以酉陽刺惹洞長謀古賞等降罷官兵  
癸亥故燕府長史贈北京行部尚書謚忠定朱復葬京城南

至是營建當遷葬曾孫紹祖力不給以聞命改葬

四川龍州通官租四千餘石乞以鈔代從之

遼東三萬衛卒張顯上言永樂二十年下入伏山下遼陽都

指揮王真出中伏屢舉炮都指揮周興等背約不救臨吏卒

二百餘人又下掠開原都指揮王雄等縱掠遼海衛千戶孫

茂巡檢奴下等忽擊茂中矢死夫舍父母妻子冒犯鋒鏑不

過慕尺寸階斗斛之祿失今不錄人心離矣且周興輩尚坐


享祿食而殞身如茂者卹典未加死而有知豈瞑目于地下

哉 上是之下兵部覈聞

國權

洪熙宣德元年

四



甲子嚴京城捕盜之禁時京城多盜左都御史劉觀等增兵  
馬卒百人每五十家置鋪警夜命英國公張輔等按地協  
捕並立賞格

二月己丑朔議勦貴州宣慰司乖西巴香等蠻

夜大星光黃白自畢宿行至近濁

丁卯遣太子少傅工部尚書謹身殿大學士楊榮釋奠先師

戊辰祭太社太稷

湖廣永順軍民宣慰司彭英等來朝正旦後期宥之

夜大星光青白起翼宿行至游氣

庚申諭行在戶部尚書夏原吉等曰前詔官田開荒如民田

起科近聞有司以戶部不除舊額仍徵之非信卿其依詔悉

豁逋稅

免浙江黃巖縣去年水災田租


辛未戶部以官倉小麥四十餘萬石恐久而腐議官俸支鈔

各改麥五石從之

夜大星光青白燭地自亥戈旁行至輦道

癸酉萬壽節受朝賀

夜月犯五諸侯有大星光青白有二星隨之出織女西行入



貫索炸散又有大星光青白燭地出自箕宿南行至雲中

甲戌免邊衛軍士歲辦柴炭陽武侯薛祿言宣府懷來永寧諸衛既守邊又貢採辦以致逋累諭工部免之

乙亥遣永康侯徐安安鄉伯張安等告即位于 祖陵皇陵

懿文太子及晉秦王等園歷代帝王陵嶽鎮海瀆鍾山太岳

太和山之神先師孔子

丙子重築司苑局 先失火

丁丑祭先農 上耕籍田初禮部進儀注 上諭侍臣曰人

主體 祖宗之心愛恤蒼生輕徭薄斂使之以時貴農重穀

禁止游食則人趨耕稼不煩勸率矣否則三推五推何裨于

事侍臣稱善

昏刺月犯太微垣次將夜大星光青白起河鼓行至近濁

戊寅諭征曲先安定功進國師宛卜格刺巴監藏為淨慈普

應大國師命奔宛卜番失免監藏為弘慈廣智大國師吒思

巴領占為普覺靜脩大國師失迦思端宛卜為慧善真脩大

國師達巴免監叅為妙慈通慧大國師皆給四品印誥餘封


禪師給六品印勅俱銀印

行在工部作軍器需鉄江南不及遂取遵化鉄冶二十萬斤

國權

宣德元年

六



夜南京地震

己卯日暈昏刺白虹貫月

庚辰前太常寺卿王勉坐濫收齋郎削籍以舊臣改行在鴻臚寺左少卿

司苑監以上供蔬菜索順天府萬楮三千束蘆芹蒲五千束麻千斤 上減三分之一

夜月犯元宿

辛巳遼東總兵官都督僉事巫凱以鎮守居庸關都督僉事沈清言自卜 脫歸者請寄京衛檄原籍親屬赴領如其言不

惟沮人歸心且動搖親屬自今凡少壯者悉送京師其餘徑送原衛從之

夜大星光青白起參旗西行至近濁

壬午戶部尚書師達疾召江南督賦戶部尚書古朴還京

己酉 上發京師謁陵


夜大星色黃赤出天江東南行至雲中

丙戌清明節 上至天壽山望松柏流涕祭 長陵獻陵哀

慟御帳殿諭成山侯王通工部尚書黃福等官督工官陞賞

且賚工匠軍民

國權 宣德元年



大名大長公主薨駙馬都尉李堅

丁亥還京

戊子夜黑雲如綫東西亘天

己丑夜大星赤光起南斗行至近濁

壬辰脩南京天地山川等壇

甲午昏刺大星青白光燭地出天棓東行入天津又有大星

赤光起北斗西北行至游氣

三月丁乙未朔順天府尹引父老入見 上溫諭之

翰林院侍講王璉卒

庚申停漢中運茶採花紅及苗草等役

丁酉止諸王選婚于朝令自行國中

總兵官太傅黔國公沐晟勦寧遠州賊刁罕吉叅將榮昌伯

陳智等勦交趾宣化賊周莊太原等府賊黃菴

戊戌羽林前衛指揮使陳廣通盜殺人伏誅

己亥鎮鑄守交趾內官印

交趾總兵官榮昌伯陳智都督方政討黎利于茶龍州敗績


蓋政頗勇智怯既不相能太監山壽專于撫擁兵入安不救

尚書陳洽以聞 上切責智政協力贖罪又責壽及洽各有

國權

宣德元年

八



勅諭

許稅戶人才年老以子侄代

行在戶部言駙馬都尉宋瑛求白河廢地牧馬實有民田四十七頃命遣視果廢地予之如民田不許

故人安知府琴彭贈交趾布政司左叅政召其子入京官之

戊子寧夏中護衛百戶姚純等訐慶王閱軍製械購天文書

上知其妄書慰慶王

辛丑左都督馬聚鎮守定州

都指揮同知李玉為行在中軍都督僉事

魯府紀善王貞為右長史與左長史鄭昭同致仕魯王肇輝

為之請上賢而從之且給誥

壬寅召南尚書黃福赴京

張珂為宗人府經歷王子沂楊居正皆行在監察御史珂故

江西贛州知府子沂江西按察僉事因事坐廢

行人年綸王翱序班趙儼庶吉士晏鐸監生劉楨楊理王懋

蘇霖王禮韓瑄耿定為監察御史


癸卯初行在工部侍郎蔡信言浙江等都司及大同寧夏宣

府諸衛軍匠乞各携家赴京上不許兵部尚書張本等言

國權

宣德元年

九



軍匠許二萬六千人若攜家近十萬非便 上諭本日昔魏文帝欲徙冀州戶萬實河南賴辛毘切諫卿若有所聞必為朕言之

甲辰周府儀賓徐茂先卒 中山王徐達之孫

乙巳駙馬都尉廣平侯袁容署北京行都督府事行在中軍都督僉事山雲調北京

免郊壇戶雜役

丙午都指揮僉事周敬署遼東金州衛事

丁未勅楚王蜀王各發卒千人雲貴川廣福直合兵萬五千

人赴交趾又選思明田州弩兵三千人為鄉導仍諭老嫗人毋納叛


上退朝召行在戶部尚書夏原吉等曰去冬雪今春多雨似秋可望尚慮細民陷饑寒困徭役其檄有司省征勸農有不給者賑貸之

戊申夜月犯氏宿

己酉夜大星光青白起天陵行至近濁

庚戌貸孟縣濟寧磁州饑粟

曉刻填星犯健閉





辛亥給交趾尚書陳洽勘合千道凡歸附者驗績除授

後府軍前衛前左千戶所

行在工部營繕司主事黎澄歷五考始給由見効不問

壬子宣府左右二衛徙定州者仍還宣府俾豫營廬舍一年

夜月犯南斗

癸丑行在禮部右侍郎張瑛為左侍郎兼華蓋殿大學士直

文淵閣

復金鑄大城知縣秩滿邑人乞留任從之增俸從六品

指揮使杜福告老千戶楊洪等奏其才勇仍令守開平

許應天蘇松常鎮罪人直膳國子監及黑窩等廠工役

乙卯行在都察院遣監察御史唐舟等二十一人分往畿省

刷卷

丙辰行在中軍都督僉事李玉乃掌府軍前衛事

琉球國中山王尚巴志以封王例賜皮弁冠服命補給

行在錦衣衛力士竄直乞採山西中條山膽礬 上不聽曰

膽礬雖山積何益于饑寒乎如可以利民亦任其自採


丁巳夜大星赤光起壁宿行至閣道

戊午太子太保陽武侯薛祿欲移萬全右衛城于宣平堡以

國權

宣德元年

十一



德勝關口地高乏水也 上以勞民止之

巳未鑄華陽王府教授印

監察御史薛廣伍宗源 科給事中劉俊李蕃及錦衣衛官

分往宣府隆慶等衛閱軍

庚申夜大星光青白出閣道東北行至雲中

辛酉行在湖廣道監察御史謝瑤上奏誤書姓降交趾大蠻  
知縣

壬戌陝西按察僉事饒安上言寧夏甘肅俱沃土官軍耕而  
守之 太宗皇帝嘗覈田十不得一今宜總兵官分給屯軍

課實効仍禁勢侵豪匿庶足餉省運從之

癸亥給故少師榮國公姚廣孝墳戶

四月甲子朔享太廟中官祭司灶之神


乙丑太子太保成山侯王通為征夷將軍總兵官都督馬瑛  
為叅將領土兵二萬人征黎利尚書陳洽叅贊軍務安平伯

李安署交趾都司事聽總兵官節制

丙寅削榮昌伯陳智都督方政官爵從立功

上朝罷御文華殿蹇義夏原吉楊士奇楊榮侍之 上曰

太祖皇帝祖訓戒用兵南蠻後黎氏篡弒 文皇帝有弔伐




之師意求前王子孫立之而前王子孫殲焉始立郡縣非  
太宗心也自是交趾歲用兵一方生靈屠慘已盡中國之人  
亦疲奔命先帝嘗念及之見于即位之詔昨遣將出師通  
夕不寧茲博求夷裔令為藩臣即欲如洪武永樂初故事使  
自為國歲奉常貢以全一方民亦以休息我中夏卿謂何如  
義等曰太宗皇帝平定茲方勞費鉅矣若以二十年勤力  
棄之一旦謂國威何榮士奇對曰交趾于唐虞三代不屬皆  
置之荒服之外堯舜禹湯文武不以賤帝王漢唐之後雖為  
內郡縣然喪師費財不可殫紀曾不得其一錢一兵之力者

漢元帝納賈捐之議罷珠崖郡前史稱之 陛下偃兵息民  
哀念元、誠大惠也犬豕豺狼寧足治耶 上曰朕心如此  
矣弟觀之

太子太保禮部尚書呂震卒震字克聲臨潼人幼稱神童弱  
冠舉于鄉入太學授山東按察僉事歷北平從靖難居守自  
大理少卿大理卿遷刑部尚書改禮部專已拂衆罔上厲下  
以舊臣朝廷雖厭之不棄也賜祭葬  
丁卯行在禮部左侍郎胡濙為尚書

臨潼知縣成林介休知縣許資汝州學正王琦新興教諭陳



博韓城教諭李昌項城訓導李貴進士張鐸王憲張駿龔遂  
盧睿焦宏羅銓任倫陳炎徐達張士貞郭智陳漣于謙王郁  
高敏陳璇邵嵩監生胡謙包德蔣懷彥廣趙紳邵宗周皞田  
富李彛鄭道寧孫敏鍾亮蔡寧趙綸楊鐸王寶為監察御史  
戊辰趙世子瞻坂安陽王瞻塢來朝  
庚午皇太后壽節諸王表賀  
辛未夜南京地震

壬申責太監鄭和以工部郎中馮春脩南京宮殿妄請賞賜  
癸酉義勇右衛軍閻祥免知妻毛氏妖行欲之殺反誣以盜  
當斬同黨訐免下臺訊釋群免抵毛罪因諭左都御史劉觀  
曰隋煬令于士澄治但疑以輒考掠同日斬二千餘人今非  
彼自陳則爾等皆士澄也

乙亥夜大星赤光出心宿行至雲中


丙子免浙江黃巖縣前年水災逋租

丁丑琉球使臣鄭義才告來舟壞特製予之

夜大星青白光自軫宿行至雲中

戊寅作外戚事鑒歷代臣鑒

遣驗樂安陽信商河海豐樂陵滋陽汶上去年旱災蠲之



夜月食

庚辰太子賓客兼行在兵科都給事中李準改北京行太僕寺卿北京行太僕寺卿王中改為陝西布政司左叅政

辛巳停濟南東昌青州兗州等府歲辦顏料時旱饑

壬午復暢宣秦安知縣初宣憂去邑人乞留先帝命俟服

滿至是至京復之

甲申除江南通州海門潮溢田租

曉刻大星光青白起閣道行至近濁

丙戌賑清平縣飢

夜大星赤光起天弁行至左旗

已丑夜大星光青白燭地出自北斗杓行至雲中

辛卯蜀府黔江王友垆薨年二十謚悼懷

壬辰山東青州饑有司議賑行在戶部請覆覈上曰覈而

後賑將求之溝壑其令從便宜行事

癸巳召山東清軍大理寺卿湯宗還京時早甚悉停買辦

五月甲午朔賜貴妃孫氏寶


諭法司錄囚平恕量罪輕重區別之

丙申詔曰樂生惡死人情也交趾入職方二十載矣數構叛

國權

宣德元年

十五



逆以勤王師起火赴淵豈本圖哉良由有司安輯亡狀詔到  
交趾官吏所犯無大小赦除之黎利潘僚路文律誠悔過為  
臣子如初悉宥罪爵以官交趾軍民賦稅如故他採辦金銀  
鹽鉄諸稅悉罷

夜大星光青白出昴西南行入斗没

丁酉內官馬英歸自寧夏慶王 聞謗不安 上書慰之

曰毋恐

進士萬觀熊昱聶用又徐湯崔碧陳叔剛王強陳毅趙寬為  
監察御史左春坊左中允王愷為廣西按察使僉事

庚子行在戶科給事中盧琛口訥改廣西橫州府判官

行在禮部奏旌錦衣衛總旗整女到肝療母者 上以非衛

中道不許

壬寅賜貴妃孫氏冊寶


乙巳蘇門答刺國王奴里阿必丁滿刺加國王西哩麻哈刺

者及白葛達國王俱入貢

曉刻大星赤光起天倉行至雲中

丙午楚府岳陽王孟燿薨謚悼惠

瘞河南衛輝浮鞅從陝西淳化縣丞吳整之言



丁未昏刻辰星犯鬼星

戊申 上午朝畢退舉聶夷中鋤禾詩曰吾每誦此敬畏而

戚農

己酉武英殿大學士金幼孜翰林院侍講陳宗敬檢討劉永清俱憂去

庚戌勅行在都察院右都御史王彰自良鄉至南京巡撫軍民一切休戚以聞

夜大星光青白起卷舌行至五車

辛亥復黃子威松江知府初喪去大理寺卿胡濙言其公勤

遂復之

夜大星赤光起大角西北行入太微西垣

甲寅潮決盤石衛城

昏刻大星赤光起亢宿行入雲中

乙卯夜大星青白光燭地有三小星隨之起亢行至近濁

丙辰浙江永嘉樂清潮溢傷民舍

丁巳行在翰林院侍講學士沈度為學士


定貴州斷罪例視輕重輸役

夜大星赤光起斗近至近濁

國權

宣德元年

七



庚申召總兵官陽武侯薛祿

濬山東臨清至江南徐州等處河渠

復郭振山東按察副使仍其任

賑臨城南宮南樂清豐吳橋等縣饑民

昏刻大星青白光濁地起房宿行至雲中

六月癸亥朔夜大星青白光起中台行至近濁

甲子崞縣繁峙南豐廣昌永寧蓬溪即墨裕州英山望江俱  
饑勸富家分蠲賑之

乙丑賑涑水新河興濟威縣

丁卯南平縣蠻殺潯州通判張文郁命總兵官鎮遠侯顧興

祖討平之

夜大星赤光燭地出車府東北行入閣道

戊辰夜有大星赤光燭地起紫微東蕃外入紫微垣

趙王高燧言定州男子刁二背黃袂來謁啟袂惟黃白紙各  
二幅一畫花一畫人此妖妄也命下錦衣獄 上顧侍臣曰

脫趙叔不自白讒間生矣比年以來流言每多類此


陽武侯薛祿入朝上備邊五事從之

夜月犯氐宿

國權

宣德元年

六





癸酉山西通糧二百餘萬石許折收布絹

夜大星光青白起天困行至游氣

丙子定宗室將軍中尉郡主縣主郡君縣君鄉君儀賓品級  
冠服儀式鎮國將軍祿千石從一品輔國將軍八百石從二  
品奉國將軍六百石從三品鎮國中尉四百石從四品輔國  
中尉三百石從五品奉國中尉二百石從六品其妻各依品  
受封儀賓遞減一等郡王納妃襲爵遣使冊命其將軍縣主  
以下婚但頒誥命冠服餘儀仗具奩皆本邸自置備  
丁丑夜大星赤光出正北游氣中行至游氣

巳卯正一嗣教清虛冲素光祖演道崇謙守靜洞玄真人張

宇清進封火真人掌天下教道

四川松潘叛蠻阿九等平械至京師伏誅

夜大星光青白起北斗西北行至雲中


庚辰始命御史刷在京案牘

免南京送囚行在即就南京依律決遣

昏刺大星赤光燭地起天鈞行入天市垣

壬午御用司改隨駕御用監給銀印

行在戶部請邊商中鹽仍改鈔輸米從之



順天霸州固安永清新城等蝗命有司亟捕

金齒潞江安撫司改隸雲南

癸未夜蒼白雲東西竟天大星青白光燭地起騰蛇行至雲中又有大星青白光二小星隨之出自右旗西行入雲中

乙酉夜大星赤光出勾陳行至近濁

丙戌夜大星光青白起天紀北行至游氣

丁亥都勅督劉昭同三司遣官招諭洮州思曩番族

戊子安陽臨潼蝗諭戶部遣人捕之

庚寅都察院右都御史王彰言事不切勅責之因諭侍臣曰

兩京遠隔災傷饑窘冀王彰其實乃毛舉細故大臣如此得

朕復何望爾等所聞當詳陳勿諱

七月壬辰朔享太廟中官祭司門之神

鎮守甘肅左都督費瓖來朝

癸巳雲南都指揮使張廉為行在後軍都督僉事

嚴鈔法禁民間金銀貿易


京師地震

甲午行在刑部陝西司主事劉中羽改行在翰林院脩撰專授小內使書永樂時中羽以給事中侍上或言其兄被刑

國權

宣德元年

十



謫交趾真州判官喪去 上即位來朝授刑部主事至是侍郎張瑛薦其才

監察御史李驥巡按順天永平諸郡言薊州地廣草肥故永平衛軍人牧牝馬一匹免他役今調發既頻軍多殘廢宜變其法遂命行在兵部視薊州諸衛馬少者分給均牧

乙未詔曰山東民仰麥大半久旱不成秋稼未可知其除今年夏季田稅異時詔書所寬卹輒曰已先賦或曰災未甚追徵自若謂信令何其命山東有司毋得復擾以副朕意焉  
夜大星赤光出室宿西行入河鼓曉刺中天蒼白雲廣二尺

東西竟天

丙申諭行在兵部非急遣不給驛 蘇京言大寺僧食小味已夷命六科給事中允內使傳旨諸司皆備錄覆奏時中官奉旨傳六科欲徑下諸司 上慮其詐偽

都察院左都御史劉觀論囚七十人當決命太監王振止之其錄情罪親閱


壬寅 上諭奉天門念蘇松嘉湖未知雨暘若何諭行在戶部遣視

南京地震

國權

宣德元年

十一



甲辰以御馬監造鞍支鈔二千七百餘定市金箔等料 上  
減其半

夜南京地震

丙午右春坊右諭德林誌翰林院侍講余學夔主試應天  
南京地震有聲

丁未勅大同宣府開平遼東備

鎮守順天薊州山都海督僉事陳景先巡邊值 四十餘騎  
于鮎魚石閔殲之 上以 好竄竊戒景先等毋貪小利  
已酉祔 太宗皇帝主于太廟

辛未四川按察使陳璉召至改南京通政使署國子監事璉  
儒者非持憲才故吏部改用

福建按察僉事呂升為大理寺左少卿


增兩淮都轉鹽運使司同知

壬子止慶王榭來朝

右軍都督同知陳懷為征西將軍鎮守寧夏陝西都指揮使  
張麟佐之

申洪武表箋舊式二名不偏諱毋他易

湖廣旱罷採松杉木大七萬株



癸丑都督僉事山雲都察院右都御史王彰自山海永平薊  
州抵居庸關修築險隘

昏刻東南天鳴如風水相搏夜有大星光青白燭地出自天

大將軍東南行至雲中

乙卯罷西寧衛餘丁歸農初都指揮使李龍請練餘丁于蘭

縣給餉往復千里 上止之

夜天鳴

蠲江南吳江崑山長洲去年水災田租十一萬三千五百九  
十二石有奇

己巳行在少僕寺少卿錢塘王羽引疾請就教改餘杭教諭

戊午趙崇嗣忻城伯 趙彞之子

己未河南久雨黃汝二河溢鄭州陽武中牟祥符蘭陽榮澤

陳留封邱鄆陵原武汝嵩等處俱溺廬舍傷人畜淹稼

夜大星赤光燭地起天鈎行至雷霆炸散

庚申安順伯薛貴進封安順侯世祿千二百石 初名脫火赤  
從靖難盡力

夜大星光青白起壘壁陣南入土司空沒


岷世子徵煖擅赴京勅止之

辛酉令行在禮部尚書胡濙同翰林官禮科給事中試僧道

國權

宣德元年

十三



通大經給牒否則不給

八月壬戌朔漢王高煦反樂安高煦狙詐多智自負才武靖難領精騎戰白溝東昌浦口有功覬奪嫡既封漢王國樂安深深懷怨望異謀益急私造火器籍壯丁為軍破獄出囚厚養之集旁近無賴子弟及逋逃賜銀幣編隊甲給諸衛所兵器行其暴盜境內騷然 文皇帝崩數遣人窺 先帝顧益厚遇之暨 上立有所陳請輒不得益加怨望遂稱兵遣枚潛來京師約英國公張輔為內應輔夜繫以聞又約山東都指揮靳榮等反濟南為應又散力伏于真定諸衛盡奪官私

畜馬遣使四誘天津衛鎮守都督孫勝山西都指揮張傑楊

雲山東左衛指揮史斌河間衛鎮撫溫英德州衛指揮

青州

鄭興鎮撫劉志等皆約舉城應之先上軍馬錢糧之數作五

軍都督府指揮王斌領前軍常達領左軍千戶盛庸領右軍

知州朱恒領後軍以諸子瞻空瞻域瞻埠瞻澤各監一軍煦

自領中軍世子瞻垣居守指揮常賢常興千戶王玉李智領

四哨部署已定偽授王斌朱桓等太師都督尚書等官刻日


取濟南後北向有司軍民數上變至是樂安御史李濬憂居

匿妻子易姓名馳告闕下高煦知之追濬不及遂磔使者

國權

宣德元年

十四



未<sup>上</sup>猶未忍訟言討之使中官侯泰賜以璽書且觀變略曰昨  
枚青來言叔督過朝廷予誠不信 皇考至親唯二叔子所  
賴亦唯二叔小人離間不敢不問吐露中懇且傳播驚疑或  
有乘間竊發者不得不備唯叔鑒之泰至樂安高煦不拜勅  
盛陳兵衛見泰南向坐曰我何負朝廷哉靖難之戰非我出  
死燕之為燕未可知也 太宗皇帝信讒削我護衛從我于  
樂安夫讒我者誰耶今固望縣官優我而輒云祖制豈我能  
鬱<sup>鬱</sup>無動作汝循營視我士馬豈不可洗洋天下速歸報急  
縛朝廷奸臣來徐議吾所欲耳

癸亥召征西前將軍鎮守山西大同武安侯鄭亨  
行在左軍都督僉事冀傑為右都督

昏刺天鳴

甲子宥定保伯梁銘罪復其爵銘以叅將鎮守寧夏御史劾  
其縱軍受賄下獄至是念勲舊復之罷叅將

昏刺天鳴西北又有大星赤光起危宿行入羽林軍


乙丑遣指揮王讓內言譚順往淮安同總兵官平江伯陳瑄  
防守勿令賊南逃

召鎮守永平總兵官遂安伯陳英邊事付都督陳景先

國權

宣德元年

十五



命法司武秩有犯悉錄其案上之凡五百二人十除重辟外其難犯悉宥之復原秩  
上朝退諭工部自良鄉至江浦行殿止守護數人餘遣還  
昏刻天鳴

丙寅夜南京地震

丁卯翰林侍講學士王英釋奠先師

封右軍左都督費瓌宗信伯世祿一千一百石

勅指揮芮勛守居庸關

宥軍旗校尉將軍力士徒罪以下但從征

高煦遣百戶陳剛上章言 仁宗不宜違洪武永樂舊制與

大臣誥勅封贈 上不宜脩理南巡席殿指斥夏原吉等為

奸臣并索誅之又書與公侯大臣指斥乘輿肆言詆毀 上

覽之曰煦果反矣乃召諸文武入對夏原吉免冠頓首大臣

謝曰臣無狀致亂罪當死 上曰卿何罪彼假卿為兵端耳


大學士楊榮曰彼謂 陛下新即位必不能自行若自行出

不意且大懼破之必矣 上有難色顧原吉原吉對曰漢王

驚而寡謀外慙中惟臣嘗見其命將而色變將出師而泣知

其無能為也且貴兵神速卷甲趨之一鼓可平楊榮策之善

張輔請勿煩車駕彼外示強其下又無智勇深沉之士願假





臣兵二萬縛之 上曰卿誠足擒賊顧朕新立小人或懷二  
心朕行決矣立詔親征大索長安中樂安奸謀  
進李濬行在左僉都僉御史

昏刻天鳴南京地震

戊辰祭太社太稷

翰林侍讀學士王英脩撰王鈺主試順天

定國公徐景昌彭城伯張昶守皇城安鄉伯張安廣寧伯劉  
湍忻城伯趙榮建平伯高遠分京守城門

昏刻天鳴如雨陣迭至南京地震

己巳命陽武侯薛祿清平伯吳城太監劉順等率兵二萬為  
前鋒豐城侯李賢侍郎郭璉郭敦李昶等饋運

命鄭王瞻埈襄王瞻塏居守勅廣平侯袁容武安侯鄭亨都  
督張昇山雲尚書黃淮黃福李友直協守大賚列侯都督都  
指揮衛所吏卒及文職六品以上少師蹇義少傅楊士奇少  
保夏原吉太子少傅楊榮太常寺卿楊溥太子少保吳中尚  
書胡濙張本通政使顧佐俱扈從


昏刻月掩斗第四星

辛未高煦罪于天地宗廟百神 上親征發京師宿通州 告

國權

宣德元年

七



中官侯泰還自樂安 上問高煦何言泰對曰彼一無所言  
問治兵曰並無所見也 已錦衣官校從泰往者具陳之

天鳴聲如萬鼓

壬申 上駐蹕新河店

夜大星光青白燭地起天倉行至近濁

癸酉駐蹕水河鋪 上馬上顧侍臣曰試度高煦計安出或  
曰樂安城小彼必引兵先取濟南以為根本或曰彼往時不  
肯南京必引兵而南 上曰不然濟南雖近未易攻况聞離  
大軍至何暇攻護衛軍家屬盡在樂安豈肯棄之南往煦外

誇內懦狐疑寡斷今敢反者欺朕新立衆心未附不能自將  
將他來以甘詞厚利誘餌之事成事今知朕親征行膽落矣  
何戰為至即擒耳

昏刻中天青氣三道長如匹練又天鳴如風水相搏又大星  
赤光起室宿行入天倉

甲戌駐蹕楊村

東南白氣如决隄

乙亥駐蹕直沽南諭諸將曰昨見軍士負重者晚始至營亦  
有憊而道息者爾等略不加意非所以恤士也其以官馬騾

